

Examinar incumbensas e prestaziuns dal chantun

La regenza grischuna pren pusiziun tar in'incumbensa parlamentara da deputà Rudolf Kunz (pld/Cuira)

(mc) En vista a las nauschas aspettativas finanzialas dal chantun pretendida il chef da la fracciun liberala dal cussegl grond, deputà Rudolf Kunz (pld/Cuira), en in'incumbensa parlamentara ina nova examinaziun da las incumbensas, prestaziuns ed expensas dal chantun. La regenza è pronta d'acceptar l'incumbensa segnada da 45 deputadas e deputads. Il liberaldemocrat Rudolf Kunz (Cuira) skizzescha ina perspectiva pessimistica per l'avvenir finanzial da noss chantun. El enumerescha en quest connex ils deficits prognostigads, la conjunctura che perda ses slantsch cunzunt en ils territoris da muntogna, la reducziun da l'imposiziun da taglia sin interpretas, la perdita dals tschains d'aua ed il cumbat pli dir per la gulivaziun da finanzas. En ils plans da finanzas per 2018 e 2019 quinta la regenza cun deficits da 73 ed 89 milliuns.

Reducziun persistenta da las expensas

L'onn 2003 haja la regenza preschentà in pachet da spargn cumplessiv che saja era vegni acceptà dal cussegl grond. Uschia haja il chantun pudì metter en urden sias finanzas, di Kunz. 12 onns pli tard s'imponeva danovamain in'examinaziun da las incumbensas e da las expensas en vista a las prognoses finanzialas pauc favuraivlas.

Tenor ils sutsignadars èsi, en vista a las nauschas prognosas da la conjunctura ed als deficits chantunals prognostigads per ils proxims onns, necessari d'iniciar ad uras mesiras per mantegnair l'abilitad d'agir dal chantun. Concretamain pretendan ils incumbensaders da la regenza ina reducziun persistenta da las expensas d'almain 50 milliuns annualmain. Quai tant pli ch'i na saja betg da quintar cun agid da la confederaziun, damai che era là sajan las

funtaunas finanzialas en general pli stgarsas ils proxims onns.

Tenor imaginaziun dals incumbensaders duain las propostas da spargn e da structura vegnir elavuradas per tut ils departaments e per tut las incumbensas. En spezial duai vegnir persequità «cun dipli energia» il punct central «finamiras socialas ed effects da sava» che cuntegna in grond potenzial da spargn, scriva l'incumbensader.

Tegnair las finanzas en equiliber

Tenor la regenza oblighescha tant la constituziun chantunala sco la lescha da finanzas il chantun da tegnair sias finanzas en equiliber. Cunzunt ston deficits structurals vegnir evitads. La politica da finanzas stoppia vegnir concepida uschia che las directivas dal cussegl grond possian vegnir ademplidas tant en il preventiv sco en il quint.

La buna conclusiun dal quint 2015 na midia nagut vi dal fatg ch'ins stoppia quintar ils proxims onns cun deficits. En compareggiaciun cun il quint da 2015 vegnia a dar l'onn 2016 probablamain in pegiurament d'almain 60 milliuns. Il sulet motiv per quai sajan quatter pusiziuns, numnadamain la distribuziun excepcionala dal gudogn da la Banca naziunala da 26 milliuns, la reducziun da la gulivaziun da las resursas da la confederaziun da 15 milliuns, l'introduciun da la refurma da la gulivaziun da finanzas cun 15 milliuns sin donn e cust da las finanzas generalas sco er l'augment da las contribuziuns per 15 milliuns. Questas contribuziuns concernan cunzunt la reducziun individuala da las premias, la pedagogia speziala, il guaud e la promozion da l'economia. L'onn 2016 vegnia a confermar l'experimentscha che las differenzas tranter quint e preventiv sa reduseschan en temps da stgarsas finanzas.



Deputà Rudolf Kunz
(pld/Cuira).

FOTO O. ITEM

Mesiras da distgorgia

Tenor la pusiziun da la regenza vegn il chantun en mintga cas a stuair prender mesiras da distgorgia. Actualmain na sa laschia però betg determinar stringentamain il volumen da distgorgia necessari. Il plan da finanzas uffizial per ils onns 2017 fin 2020 mussa deficits en la dimensiun da 90 milliuns a partir da 2018. «Damai che questas cifras cuntegnan grondas intscherzezzas n'esi ni cuvegnent ni politicamain realisabel da preschentar al cussegl grondia uss e preventivamain in program da distgorgia cumplessiv», scriva la regenza.

La regenza ha l'intenziun da proceder pass per pass en moda flexibla e sin basa da trais stgalims da prioritad, sco quai ch'il cussegl grond haja discutà intensivamain en la sessiun da favrer. Quel ha sancziunà las directivas relevantas da la politica da fi-

tribuziuns a favor da la communitad e da terzas varts figureschan en il preventiv da 2016 cun passa 888 milliuns francs ed èn uschia la part principala dals custs totals da quint da gudogn e perdita. Questas expensas sin basa da contribuziuns èn s'augmentadas dapi l'onn 2010 da 762 milliuns per 126 milliuns. Quest ulterieur augment da passa 70 milliuns pertutga cunzunt il sectur da sanadad, il sectur social ed il sectur da scolas autas spezialisadas. Las contribuziuns surpassan lunschor ils custs da personal da 368 milliuns sco er ils custs materials ed ils ulteriurs custs da manaschi da 308 milliuns.

«Respargns substancials èn pia mo pussaivels sche las contribuziuns a terzas varts vegnan resguardadas prioritarmain, quai che chaschuna sfurzadama intervaziuns che fan mal», scriva la regenza. Quai valia dal reminent era per ils secturs ch'en pertutgads dal punct central «finamiras socialas ed effects da sava». Qua sa laschian realisar respargns mo cun sbassar las finamiras e cun reducir il nivel da prestaziun.

Mantegnair la disciplina d'expensas

La regenza è pronta d'acceptar l'incumbensa inoltrada en il senn da la discussiun dal cussegl grond e da las explicaziuns fatgas survart. L'emprima prioritad stoppia avair la disciplina d'expensas la pli gronda pussaivla tar il preventiv e tar tut las revisiuns da leschas, punctuescha la regenza. Regenza e cussegl grond stoppian garantir cuminalvamain ch'i na resultint niginas chargias insupportablas. Uschespert ch'i resulta in grond deficit en il quint annual e sch'ins prognostigesa deficit structural per ils onns suandants vegnia la regenza a suttametter al cussegl grond in program da distgorgia cumplesiv.

Bleras contribuziuns da transfer

Las finanzas dal chantun èn e daventan adina dipli finanzas da transfer. Las con-